

四庫全書

集部

欽定四庫全書

集部
容春堂續集卷三

詳校官監察御史臣曹坦

中書臣劉源溥覆勘

覆校官中書臣康儀鈞

校對官中書臣潘庭筠

謄錄監生臣姚元煥

欽定四庫全書

容春堂續集卷三

明 邵寶 撰

七言律

百五十
二首

七言律

雨坐

初春煙雨似梅天
牆角梅花尚索然
病客有情常夢野
閒人無事漫占年
水縈淺碧連城外
草送輕青到檻前
聞道憂民新令尹
幾迴騎馬勸耕田

忽憶江西湖南時風景用前韻

漫道吳天似楚天四時風雨一蕭然
滕王閣下維舟地黃鶴樓中聽笛年
春色漸回梅放後秋聲應盡鴈歸前
東山屐在堪乘興閒送清泉下石田

雨中寄浦文玉用前韻

時文玉為予
評訂學史

風雨無端莫問天新編讀罷自欣然
寸心敢謂能千古一話真應勝十年
江郭鳩聲春笠外山牕梅影暮燈前
明朝獨上鷺湖棹回首蘼蕪滿野田

春日無緒泉亭書院俱缺一至次浦文玉山行

用杜韻

仲春風日尚微寒兩月多愁懶戴冠
雨後花催連夜賞
雪中山憶隔年看雲開平野還盤谷
石轉清流更激湍
物色有餘情緒少幾時慈壺報平安

春水壽王郡侯

懷李樓前春水深郡公多暇重登臨
長江對我一盃酒
白日在天千古心筆無留翰漢老吏詩有餘才
唐正音

年來初度未須祝手植甘棠新作陰

送顧行人與新

奉使真隨八月槎南風五月又辭家松花露溢離亭酒
石子泉將客路茶北極朝廷瞻象魏中原藩省賦皇華
明年再攬澄清轡獨聽民謠到海涯

久雨

熟盡黃梅雨不休出門何處覓滄洲勢傾底柱河全瀉
氣塞歸墟海逆流圖史空傳蔡有日田家長嘆麥無秋

渺然舟楫吾安往古華山前一倚樓

秋夜

月流雲竇影庭柯今夜風於昨夜多我病未堪空酒在
秋聲如此柰愁何人言每信天無漏世事真看地有波
三嘆朱弦誰聽者幾回擊節杜陵歌

野色

黃泥橋西溪岸斜東風吹水擁溪沙杜陵藥餌長隨我
韓子詩書正滿家何處不看懸磬室有人還看替舟槎

渙然亭外當時路只隔南涯與北涯

秋夜宿惠山精舍

惠山草堂秋夜清道人夜坐聽泉聲中庭不見古松影
西嶺却遮新月明一里松菴期信宿十年鹿洞夢孤征
明朝藜杖須將去從我閒行三兩生

得如山和章再用前韻

落日空山鐘磬清隔溪時聽櫂歌聲小橋再渡覺身健
高閣一登增眼明望極江湖雲北去夢回歲月鴈南征

黃花亦是秋風客儘辦寒香對老生

九日過國臣弟南莊

鳳皇墩下扣柴關籬落黃花手自攀適野亦堪酬令節
避高應不到名山情多更欲臨流坐興盡真拚載月還
最喜晚來風色定小橋回首碧灣灣

寄顧台州華玉

秋晚懷人思欲荒東南江水隔錢塘山高故近台三象
郡僻真懸海一方他日曾看周砥柱何時能翦召甘棠

觀風定有新詩句願托王生為寄將

新春

庭草猶枯漸有情簷聲如雨雪初晴
緣江積凍朝尋徑
匝市浮煙午出城
風信已非前九烈
月華應為上元明
梅花兩樹香如許
誤道詩人在冉涇

得章司成楓山先生書

司成書自道卿傳千里楓山越四年
風雨夢從初起處
江湖心在未歸前
數盤谷可容君築
萬里門曾泊我船

聞說臨風多感慨乾坤回首一茫然

戊寅八月以容春集託喬司馬寄王中丞虎谷
越歲司馬以集還因得中丞之計

隔歲書回不折封驚聞虎谷失髯翁風騷遼濶遺音在

江漢蕭條老眼空壯志欲從汾左右汾謂文清薛公清聲曾動

陝西東虎谷嘗以言事謫官陝州七年又洒柴墟淚屈

指交游俯仰中柴墟儲公卒今年矣
吾悲虎谷猶悲柴墟也

守溪公惠洞庭新茶侑以長句奉謝

洞庭春茗過湖來閣老新詩手自裁
錫谷泉應將摘石玉川風欲問蓬萊
竹鑪縱有僧堪借梧几曾無客與陪
何日山中尋舊約莫登高處一登臺

悼沈提學休翁

江東回首復湖南到處春風許我參
萬里無槎心獨往千鈞有筆力能堪
鳳皇臺遠空魂夢黃鶴樓高絕笑談
最憶牽衣相別地碧瞳如水鬢鬢髩

予自湖南之漕臺
翁手予腰帶笑謂

其子曰我江南有此秀才

松壇午坐與送茶諸僧

竹裏風來生晝涼
況逢時節近端陽
也知城外塵能少
却道山中日更長
雲壑飛泉頻倚杖
松壇磐石漫焚香
老僧供茗渾忘味
好向高峰問溥光

答姜士元用舒國裳韻

歸舟不見急流難
曾向嚴灘濯我冠
何處世情非灩澦
幾時塵夢不漪瀾

漪瀾惠泉堂名

山中松子秋還落
海上桃根

晚更蟠遙想棲賢

山名

雲霧裏定依北斗望長安

用杜韻寄李劍州

病餘岑寂向林邱消息欣傳李劍州
蜀道已通今四海禹疆還識古諸侯
孤城力起千家市短劄情隨萬里舟
我亦舊遊忘未得夢魂長繞紫薇樓

紫薇樓在浙藩

答陳憲使文鳴過訪不遇

黃梅雨過綠秧齊日向山莊路不迷
萬里仙槎還海上十年清夢幾湖西
太行碑刻看新打獄麓書籤憶舊題
謝客也知非此客却教泉釀負蒸藜

文鳴報書久不至

江船連夜發蓉湖三宿封書報尚無夏榻夢魂便客少

晚興游興對僧孤驚風驟雨常懷楚

逆瑾煽虐時文鳴同官湖南

麗

水佳山又過吳欲向詩囊問奇句瓜州回首渺煙蕪

和喬司馬三首

梅花水

梅花不見見清痕何處還堪索笑言雲影逗風俱澹蕩
波聲流月自潺湲湖山韻絕弦長斷洛浦香銷珮獨存

金剛經
卷三
春到江南無限樹不須臨水賦招魂

觀音山

觀音閣下江水深閣上丹崖知幾尋
安能羽翼一飛上獨凭闌干時放吟
鳥去却留雲棧影潮來還起石鐘音
十年老眼今如夢遙為巖翁重此臨

雞鳴山

鐘山西引一峯高雲磴盤紆步不勞
畫裏樓臺復鐘鼓望中城市有林皋
江流入海初奔放世路懷人更鬱陶

却倚崔嵬發長嘯松風何處起秋濤

夏吏部于中以諫除名訪予里第予避暑山中

聞而賦此

南歸吏部一方巾冉水東頭訪病人萬里孤槎浮海夢
片言九死報君身風從遠道來應好暑向深山避却真
從此著書應滿室草堂深閉楚江春

舒翰林國裳過錫病不能來其人來言之

病客舟中不著巾山中而我亦懷人平生溫飽元非志

萬死艱危尚有身
風力南溟看獨近
潮聲東海聽初真
也知夢轉滄江晚
正想臚傳玉殿春

萬汝信與國裳同舟用韻再寄

一封書上幾沾巾
道路爭傳國有人
雲霧政勤瞻斗念
風波還重渡江身
吳門晚樹舟邊近
楚澤秋蘭佩後真
却憶匡廬弦誦地
五峯回首不勝春

晚涼

晚涼幽興為誰多
聞道靈旗已渡河
露咽微吟還蟋蟀

雨添新韻到蘅荷
牕前夢醒風初定
枕上詩成月已過
從此炎蒸應盡退
不須頻問夜如何

寄莫如山

五更夢醒憶南沙
只尺天分路兩涯
詩草往來憑稚子
春光深淺問梅花
節臨雨水初飛雪
路阻山泉未試茶
畫裏西湖皆幻景
似聞高興在東家

得如山和章兼荷踏雪見過用前韻

雪後相過屐印沙
美人望不在天涯
九峯西照雙溪水

萬樹東風一夜花
天台客去方燭橘
陽羨書來未寄茶
留得山翁曾共醉
數盃今雨對詩家

送朱工部請告歸上虞

記得逢君在樂平
新涼庭院碧梧清
周官六典曾司寇
禹貢三江又水衡
澤國烟波吟裏興
雲林風日病餘情
西興渡口猶回首
聞道秋潮昨夜生

寄張汝立

別來風雨夢初醒
兩對山中春草庭
江漢無情衰可墨

王陽明平江西
汝立嘗參軍事

春秋有法簡能青筆將點易勞君送

先以

象管筆二寄予
為點易之用

琴欲賡歌起我聽聞道儒臺虛席在何

時尊酒海天亭

送施克和之平樂

行盡瀟湘問吏郵青山迴處古昭州
自知宦寓應如水
誰道刑官便是秋
身在江湖頻望闕
道經岳鄂兩登樓
三年憲召君當起
莫指蒼梧賦遠遊

送錢昌言赴順寧經府

萬里滇南郡幕行先從水道問郵程乾坤何往非臣所
朝夕難違是子情晚日每看山外影寒江猶聽霧中聲
獨憐泰伯祠前別數點梅花照眼明

喜冬官錢士弘訪予惠山草堂

公來猶記十年前我在山中正浚泉陸羽水經應入妙
盧仝茶力漫通仙閒邊夢亦尋常見病後詩曾一再傳
他日風雲還有約滄浪歌罷采金蓮

杭方伯世卿登我龍山不克奉陪

百里荆溪十載違相逢誰道舊情非
如夢裏子初寤畫在詩中子亦歸
兩地青山歌響應一星南極望依微
憑君再訂登高約聽罷滄浪共振衣

九月一日

九月一日初度辰謝客來訪
山中人坐臨舊石談還舊茗
試新泉味更新點易筆如周
入夢讀書臺與李為隣高邱
遠海詩家興我亦東馳萬里
神

壽少傅邃翁先生七十

百年師執遽庵翁幾向門牆拜下風多士鈞陶鳴鐸外
累朝經濟掛冠中時將老矣江山在興本超然出處同
莫道隱園真可隱廟堂端合坐姬公

送施漸之平樂省親

瀟湘洞庭涵太空詩人行色在胸中石鐘舟畔三江月
鐵笛樓前五夜風衡岳鴈回程可計蒼梧雲盡望無窮
憑將一勺龍泉水遠向昭州壽乃翁

晝坐偶成

兩月慳詩到社中日長應負綠陰風病多自笑藥無力
步少不知筇有功五里汲泉將石子一春戒酒謝山翁
故人送筆能留在點易臺高對晚峯

點易臺八首答張侍御汝立

象筆雙絨自古州書題點易遠相投老來已悟浮生夢
病後兼忘應世籌磴入烟霞須策杖臺窮雲海勝登樓
憑誰淨掃焚香石千仞岡頭拜孔周

海天亭畔卜幽居三古精神一卷書象管搥殘硃未落

松梢滴盡露還餘
姓同康節希何敢
年過遽瑗化不如
月出東山時起我
獨憑高處問盈虛

桐樹扶疎蔭石臺
巉巖西望更崔嵬
日流雲影前峰去
風送泉聲別澗來
鴻漸茗從閒客試
李紳書自少年開
晚涼每有風雩興
隨意鄰僧坐碧苔

高臺百尺臨蒼茫
白雲渺渺溪泱泱
松垂一枝去地近
草碧千里兼天長
有時巖頂起清籟
何物澗邊生異香
操鉛點易者誰子
老矣義文心未忘

萬壑風雲萬壑濤人間天上在巖壑邱園掩映松楸密
臺殿參差鸛鶴高僻地自堪成晚節浮名真合付秋毫
野翁錯指丹崖是應怪頻來杖屨勞

百年佳興獨登臺草結為堂白日開雲暝氣連東海石
風晴光動北山萊故應壁立千尋在安得泉分一道來
老衲似知天假我手移松樹夾庭栽

金蓮池水即滄浪白石岡雲接草堂竹合鳳簫難起調
樹留蟲篆不成行百原泉上風神遠五老峯前夢寐長

萬卷相看纔數畫漫勞書客問芸香

觀水長懷子在川衣冠時向古壇前著從上蔡無真種
圖到希夷有別傳客送屐聲雲裏徑僧將瓢影月中泉
閒來準擬忘言久莫問新詩月幾篇

次韻答鷺湖費公

清時誰敢愛深山風雨應慙屐萬間東國儘容原憲病

自謂

西京猶放涑翁閒

謂公

詩傳秘閣歌盈耳藥進慈闈笑

強顏烏鳥情真天鑒在一封已達九重關

代東寄劉司徒

平生青眼老司徒
兩地暄涼一字無
經濟有才空歲月
登臨何處不江湖
百年第宅長安市
千古衣冠洛社圖
久矣吾衰還病母
舊遊回首渺雲蕪

追悼杜攄居

攄翁書斷幾經年
忍見哀音到耳邊
夢裏關山猶阻在
畫中人物竟蕭然
遊追司馬纔千里
隱比東方但一廛
獨愛高談驚鬼膽
江湖風雨不堪傳

侍御東君來言大司馬洪洞韓公問訊志感二

首

柱史傳來洪洞語病夫心事有公知東曹疏筆還誰執
西野吟筇也自支十里寒暄音似玉百年憂樂鬢如絲
風吹涼雨清茶罷正是懷人欲渴時

太行雲遠獨懷人近古風流大耄身

時公年八十二

一代典刑

千百世兩朝平格二三臣夢迴曹省燈無影詩到山林
筆有神更喜清廉衛叅政白頭情話正相鄰

聞申詔侍養喜而有述

一封書奏再踰年溫詔春來忽自天此日益知親壽遠
何人敢望聖恩偏新銜承乏催無駕舊祿留餘養有田
最是衰遲慚報稱山中常檢白雲篇

九月一日點易臺新成登而觀之又得一石如
臺漫賦

臺成點易試高秋更愛真臺在上頭石小似看千仞立
雲多還許一方留飄然野步長隨鶴何處機心不見鷗

分付山僧種松樹曲肱閒送翠陰流

九日與暢大夫以下八君子登臺述事

上盡高臺復有臺海天晴眼逐雲迴徑當轉處還逢石
坐得便時本藉苔風雨重陽初掩靄乾坤吾道政徘徊
縣公自送江州酒更許山僧供茗來

十月望日馮按察邀予登璨山高處觀廬仙丹井至于新築中臺上臺述興二首

行過青山復璨山幾層雲磴幾松關中巖泉落龍猶卧

上界壇高鶴未還十月風清雙遂遠五湖波濶一舟閒
憑君着我題名處應在丹崖萬仞間

幾年高興擬登臺此日肩輿偶上來畫裏水曾誇震澤
望中山欲問蓬萊風神似與仙靈遇蹤跡從教野老猜
日暮不須催返棹東方明月正徘徊

趙祕閣訓夫哀輓冊

別君遠在廿年前偶讀哀詞一泫然越客調經涯老賞
晉人書自泫翁傳天連閣道長當御地近瀛洲太逼仙

曾向縉雲詢白叟潮江煙雨隔青田

詠雪燈答勲姪

雪製方燈昔未聞阿咸才思夙超群一中造化離為火
四外經綸坎作雲石室春光從地起冰壺月色自天分
閒來靜坐能生白更愛驪珠夜到門

司徒鳳山公見過

江漢功成召命新南來泉上問山人時哉春暮還靈雨
久矣吾衰更老親萬里長安天在望千秋淮海水如神

相過莫怪頻留坐話到平生字字真

送秦古峰別駕用前韻

孔嘉驛前江草新送行偏感舊遊人驥才此地方堪展
鳳德何民不可親春雨桑麻無曠野秋風黍稷有明神
煩君為弔康齋墓十字題碑愧未真

次幸庵彭司馬寄吳憲長

司馬登廷晝接三閒情及我我何堪梅花隴外嫌疎濶
萱草堂前愧肯甘望日直從雙闕下觀風曾到兩峯南

他年出將成功地時雨亭高酒半酣

次顧少叅山行韻二首

明月青天兩度秋太虛如水屋如舟一年節物還黃雀

是日與成惠黃雀

十里溪光共白鷗自信菊華堪托醉誰知萱

草未忘憂山林況有平生癖莫怪封章懇乞休

步盡僧廊轉曲阿肩輿長記駐松坡愁看白髮千莖長
病謝青山數月過地僻自應塵事少夜長偏怪雨聲多
牀頭易在吾衰久敢向蘇門擬舊窩

二十日與諸生私祀忠定祠退餽松風閣

山中景物雨中樓爭道風雲是此遊竹徑有香深處淨
松壇無影上方幽茗留宿潤春初擷苓待新晴夜欲收
何處美人同我興便題書劄向渠投

雨中歸自惠山得見素和我點易臺詩用前
韻

風雨西庵正倚樓素翁書至似同遊十年海上人非遠
何處山中事不幽竹葉乍肥分僕送松花將老託僧收

易臺八首從頭讀始信平生分已投

寄浦進士文玉用其韻

長安為客一年多喜聽明良和舜歌風海稍紆仙足驥
雲山微露佛頭螺兩都賦在名為累三策文成病作魔
獨有知音隔江左蓉湖秋晚水增波

暑坐追次文正公韻懷守溪先生

深堂晝日坐蕭然興至行吟倦復眠水石簋清手自擊
海天亭遠夢相牽客談鹿洞已無分人憶蠡湖還有邊

高秋擬上莫釐頂已辦買舟三百錢

俞大叅國昌寄惠杞餅苓膏奉謝

遠書來自濟河東餅杞膏苓在手中松下光憐春過雨
菊邊香憶曉含風向人未論通仙品為我先收起病功
莫道紙囊容易盡久將盃酒托山翁

同年會述事

兩年三度會同年四老年俱七十前涓滴飲應憐勿藥
郎當舞不笑當筵恨無萬屢能蒙雨幸有孤舟已濟川

欲托一觴酬晚節濯纓同向此山泉

點易臺右得泉

點易臺南忽有泉原來石竇始涓涓
氣蒸碧霧網緼合聲入青雲迤邐傳
洞裏乾坤雙滴露山中日月一流川
誰將千古方塘句歌向吾亭翠壁前

九日點易臺登高用小杜齊山韻

風急山深葉乍飛行雲晶晶日光微
臺高正合逢秋上道近還判向晚歸
北極星辰真曠矚南湖山水各清暉

尋常笑口何須羨，千仞岡頭更振衣。

白樓吳公夜過無錫，以詩見貽，次韻為答。

時公自南

京太常卿遷禮部侍郎
過家上塚尋將北上

日為公來戒小車，夜船風便但緘書。
名高法從三朝上，職重留都六載餘。
啓沃經綸方自此，交游贈處欲何如。
麓堂舊話平生在，再拜臨岐有病軀。

滴露泉

一滴源頭息息新，每從早日見天真。
涓涓晝夜江湖遠，

洒洒乾坤雨露均煮茗儘供臺上客研硃還假洞中人

再歌晦老南巖句始信青山本有神

廣信南巖有一滴泉晦翁嘗題二句

於壁曰一滴有靈通地脉半空無雨洒天漿今文集中心皆無之

王郡公得芝於泉上次韻

公來山中天作奇清泉白石又丹芝獨憐日轉棠堪蔽
誰道風行草不知蟠結真形雲裏化綢緼和氣雨前滋
老生未得同幽賞渴望西峯一賦詩

郡公見訪用得芝韻

又為吾泉益一奇若冰洞口得靈芝栽培是力非人與
雕刻無心有物知光分日月雲莖動數應星辰露瓣滋
自古化機愁太泄山靈從此謝公詩

雨

高春獨坐到昏黃起問堦前幾寸強神化故知時雨妙
憂懷真與野人忘池添水色輕初定風送雷聲隱更揚
不但城南三十畝明農心亦繫巖廊

分題黃鶴樓送少叅丁元德赴湖南

大夫能賦愛登樓五月雲帆到鄂州
廣漢長江俱萬里白雲黃鶴已千秋
吳人獵遠兼蒼野夏后祠荒帶碧洲
他日甘棠應此是有詩須向壁間留

松風閣次韻

出郭初聞縣閣鐘西林東日破朦朧
我於寺主元無約詩與禪家各有宗
三伏炎蒸須謝客四朝衰懶合明農
相逢若問來何早欲向風前聽古松

草奏

詔旨臨門母在牀拜恩初罷草封章南宮地近行猶滯
北極天高望更長敢謂晚年真可進亦知幼學未能忘
古人曾說良工苦一字應須九結腸

松風閣夜宿

不宿山中已二年老僧還話二年前戲移片石真奇蹟
笑却千金是隱緣半夜未眠泉遠滴四山無籟月孤懸
明朝更與王山長點易臺端望海天

聞詔從侍養之請

十年七疏為親辭始荷天恩遂我私敢謂孝誠真懇切
故知仁閔不遐遺孤鴻偶與風雲際寸草仍沾雨露滋
獨對青山還點易何時定是報君時

得石毛二先生答簡

熊峯簡有交游中有此
終始大節何限光重一

代人才舉動自別且於世運有深助焉
之語三江簡有溫旨如春可見忠孝兩
全而聖天子待大臣之禮亦至矣之語
故有感焉二公皆文正公門人與予同
時故不能忘也

三江讀罷又熊峯百感心期簡二封漫謂交游有光重

極知世運此遭逢吟詩社外長觀水
點易臺前獨種松
伊昔同遊今老大麓堂夢轉惠山鐘

夕坐觀泉月上始還

海天亭上坐焚香靜愛山中寒日長
石罅雲芽含宿雨
波心樹影弄殘陽九霄月散九峰剌
一夜泉生一寸強
却漫有臺名點易誤教遊客問行藏

待月未出歸途漫成

興酣擬坐月中臺月上遲遲且復回
峯影過湖殘照去

風聲入谷野雲來
衰年多病堪何事
清世無功愧不才
除却慈闈朝夕外
舊書還與故人開

超然堂成二首

一泉一石皆君賜
敢謂山林遠廟廊
鹿洞勝遊空舊榻
潁川奇夢有今堂
厓懸老樹冬逾勁
畦引清流歲不荒
久矣吾衰還策杖
西巖北望拜焚香

平生心性愛寬閒
又作新堂傍舊山
雲石巧當斜徑處
露泉時滴小池間
老來書策元非課
世上功名豈有關

我不絕塵塵自絕
脩然晨往夕忘還

送浦麗水文玉

十年麗水我曾遊
又賦新詩送縣侯
山戢兵戈金在穴
海通舟楫鹽成邱
有人俎豆如諸葛
何處弦歌不子游
且莫易看循吏傳
幾多風采待君收

立春日奉太夫人酒

春迎元旦先一日
壽祝慈闈過百年
新製銀壺

金出
存問恩

似海舊懸金榜筆
如椽折梅侑坐香
初媚縷菜供盤碧

更鮮不用萊衣頻拜舞賜袍光彩照堂前

元宵後山行

一番料峭一番和正月東風望後多雲倚詩壇仍几杖
雪殘燈市剩笙歌鬢愁對鏡添霜雪酒愛停盃起綠波
畫到垂枝難着筆吾吟如此老松何

贈林以永

侍御林君以永上書諫佛左遷道敝邑以書問予草堂予適避

冗之埃陽未能奉會輒賦小詩用謝疎簡予近以見素公命為耶州祠記知君世為詳故及之

石亭寺下始逢君疏出留臺慰所聞海郡南遷唐更遠
沙門西逆漢初勤百年山屐三時雨五月江船萬里雲
歸見素翁應感嘆邵州新廟薦清芬

寄俞國昌叅政

都諫才名動六科山東方岳亦戔戔班連清切天還近
步入寬閒地更多幾處殘碑猶鳥跡何年幻市不鯨波
文莊亦為軍儲出關塞而今尚有歌

文莊謂葉亞卿嘗
以都諫遷叅政督

軍儲於

北邊

十六日悔未及月華呈同賞諸君子

睡魔酣處月曾華向我翻嫌見者誇
地下不知光是日天邊空指色如霞
晚來真合歸誰咎老去猶將拜此嘉
何許廣寒堪問信冰輪冉冉海東涯

送殷時衡應貢之京

澤宮春貢起英才三策彤庭晝日開
驥力正當千里道鳳威須傍九成臺
珠從海上原無價木到江南故有材
賦得長楊多諷在願因清燕奏蓬萊

毘陵城外夜泊有懷半溪郡公

天寧寺下晚維舟出郭相迎有郡侯
百里路頻紆皂蓋十年夢已落滄洲
向來風雨增多病今日江湖謝遠憂
春野初晴詩景潤遲公同上惠山樓

多稼亭有作

多稼亭東細路斜郡侯於此再留茶
前人後人事相感昨日今日春有涯
壁記尚看金石在郊觀猶恨短牆遮
數株霜柏皆孤直更著寒梅一樹花

素翁宿我山堂晨起奉呈二首

堂成忽枉司空駕，坐倚斜陽對海天。
近處自便泉與石，靜中真愛日如年。
多情欲下南歸榻，有夢還隨北去船。
迤邐到京春已暮，薰風歌裏和虞弦。

別自金溪二十秋，春風忽起草堂幽。
兩行西服

江西四川

仍

青野一卧東山遂，白頭廊廟合興新。
揖讓衣冠爭羨古，風流遙知今夜懷。
人地應在江南勝槩樓。

別後奉寄

司空勸駕朝天去而我望如天上來何處春風木榻下
山中白日草堂開考亭最少立朝日范老真多濟世才
南極文星今北極易臺回首是三台

山堂雨坐用懷王郡公韻

東行到海復迴舟百姓方歌郭細侯風幔正懸山上月
雨帆猶隔水中洲已知平野無遺病誰信豐年有隱憂
一望江湖俱在眼吾堂還媿范公樓

喜王山長至在超然堂作

山長南來如舊約初成春服又新堂清泉偶怪乾時細
白日真從靜裏長雲外諸峯輕露碧風前百草暗傳香
近將定性書重檢點易臺高坐夕陽

素翁詩來內改一聯乃復次韻以答

賞罷松庵二老松山靈應識古儀容徐行日轉池邊樹
靜對雲生江上峯憲節秋風傷舊別郊壇春雨憶初逢
年來謝病滄洲遠只有懷賢意未慵

尹舜弼訪我二泉書院詩以叙別

七年離恨忽消除更愛清言數起予士品故從三代後
文章誰許六經餘春深水國舟還淺夜靜山齋榻又虛
欲問星槎何日返廟廊新館正渠渠

聽高子明讀春秋傳

老去劬書愛目光朝吟暮誦得高郎一聲何處鳳歌遠
萬古不如麟筆長晏子宅邊南市熟羲皇夢裡北牕涼
應須七日登山去望闕巖前拜瓣香

送程副使用素翁韻

赤壁舟移一夜風十年晤語幾回同
向來鳴是周岡鳳
何處乘非漢道驄伊洛淵源新浚後
江湖幽隱舊遊中
遙知素老相逢地太白樓高月滿蓬

山年初夏

山年初夏漸清和聽罷樵歌又牧歌
曉暝暫疑青野窄
午晴偏覺綠陰多閒從點易無僧到
遠為徵文有客過
詩興撩人歸興緩東峰明月夜如何

督府楊侯銳見訪

督府新銜舊總戎獨將一郡障江東圖南預誓三年日
逐北兼乘兩夜風何處解揚能致命向來余闕未成功
千秋誰秉昌黎筆聞道平淮論已公

偶讀羅圭峰所為張宗伯墓銘因感羅之知己

情見乎詞

磁龜山裏訪君時坐對青燈各鬢絲經國念深非我任
作人心苦有天知晚驚妖鵬從何處秋逐冥鴻信所之
只尺甯庵空墓草吁江回首不勝悲

王近至有悼

四明山下得孤邱，爭似并州是釣遊。
布褐江湖俄及晚，棘闌風雨幾經秋。
劉蕡有策空留廟，王粲多情獨倚樓。
忽報近郎還北上，愁心江上送孤舟。

聞顧氏兩封君奉詔加三命之服

詔許衣冠與子同，百年昆弟兩仙翁。
雲司象簡瞻趨外，薇省金魚映帶中。
清世箕裘還作地，名家弦誦已成風。
向來錦軸絲綸在，請看平生教育功。

聽雨

數月長懷聽雨心
道人今夜坐應深
誰知北斗迴元氣
我愛南風和好音
況復五湖俱入海
莫須三日始為霖
麥秋時節陰晴半
時有鳩聲出遠林

與王山長行精舍中

閒從山長到山中
獨上高臺眼欲空
泉未出巖聲在石
雲初落沼影隨風
退藏自得衰年計
遊息何妨靜坐功
莫道堂前無長物
數峯青點海天東

得浦麗水訃

方怪侔來得起居訃音新到重愁予
銘旌長路晨風裏
燈火空衙暮雨餘
視篆獨憐三日淺
讀書真恨一生虛
早春山館觴君地
再誦離歌淚滿裾

謝守溪翁致洞庭新茶及羅紋箋

雨齋無客自焚香
百里雙緘有使將
思渴為公嫌茗少
才慳於我愧箋長
晚來絲鬢忘禪榻
湖上青山帶草堂
莫道滄洲天遠矣
一星南極夜光芒

盛別駕還自叙州

蜀道歸與鬢未皤
叙州功比漢州多
金魚初拜明廷賜
彤管還收野老歌
嘉客可人來只尺
大夫能賦興如何

相逢且問東臯子
澤被橫江尚有波

橫江在叙州陸方伯東臯嘗為守至

今稱儒吏焉予與方伯知久故見而首問之

懷山中草堂

十日不到超然堂
泉聲隔竹高雲涼
山中本愛白日靜
臺下已謝青春忙
行支削棘立高處
坐隱槁梧窮大方

祇須假我三伏盡滄浪歌裏棹相將

寄南都三友

五清劉光祿

不接詩筒又兩年留都風月思依然交游南省論文外
識在中州品士前江上興難移棹訪山中懷每廢書眠
司空問罷還醫客回首三山半倚天

雙溪汪司成

七年清夢幾雙溪回首賢關帝闕西雲漢為章常獨詠

江山留勝更誰題
龍飛郢楚真嘉會
鳳下岐周亦暫棲
一曲南風又宣父
知音何處問昌黎

鈴岡嚴翰長

神仙官府在蓬壺
學士文章贊聖謨
靜裏經綸書四部
公餘記注賦三都
星辰閣道懷前此
風月鈴岡認故吾
豈不懷人如室遠
東南煙水自江湖

寄湖南賑使吳中丞兼東秦中丞鳳山

吳蒼梧人以兩

書不報見責
故代柬以謝

兩年未報嶺南書却向湖南侯起居赤壁山高三國後
洞庭波濶九歌餘樓臨江渚曾招鶴節過鄉關不問魚
淮海相逢同弔古岳陽回首意何如

用前韻寄秦中丞

一介南來得兩書高秋松菊自幽居君才江漢兵荒後
吾道山林疾病餘憲節故應隨有鶴儒餐真合食無魚
辦香為致華容否夢裏懷人玉不如

嘗託中丞以香帛弔東山公

寄毛侍御汝厲

時按湖南

直指南巡獨寄書
新春長憶過山居
雷霆號號雙星畔
江漢滔滔六月餘
清世敢聞歌有鳳
豐年真願夢維魚
白沙玉峽相逢地
二十年來一日如

山中答喬司馬用前韻

新詩閒向竹間書
司馬題絨問索居
晚渚愛看鷗立處
寒空愁聽鴈來餘
客須報簡呼毛穎
僧促供茶扣木魚
山水娛情忘未得
病懷不是渴相如

代東留王郡公用前韻

金匱要略卷三
微恙求歸已上書西川幽夢落溪居觀風步遠春耕畔
治獄心勞夜燭餘高調欲將公比鳳閒情敢謂我知魚
莫言借寇非今事召杜從來父母如

得九峯書後晉溪繼之

書來一日兩尚書病客江南正索居湖海遠懷千里共
山林幽興七年餘答君豈謂真能石知我何妨不是魚
却憶當時東省地九峯心亦晉溪如

夜熱

晚來坐愛一軒空
酷熱偏教苦病翁
夜影空憐花裏月
秋聲安得樹間風
耳聞暑雨咨方切
指計炎蒸伏正中
柳岸陰多舟似屋
共誰長嘯五湖東

鄒光懋為我復先世所藏畫詩代簡謝

吳綾三尺黃癡畫
珍襲元從存一齋
五十七年慈母念
尋常一笑故人來
版留蘇氏情尤著
記屬昌黎手自裁
對客焚香還再拜
雕盤擎向影堂開
存一先曾祖府君
齋名雕盤亦先世
物失而復
得者也

曬書 二首

連日曬書如曬麥，人間耕學本來同。
一經偶爾頭垂白，萬卷徒然腹自空。
今古遺文隨世變，聖賢精義與天通。
漫酬賓客無虛問，鄉里猶傳邵二翁。

二翁謂吾曾大父存一先生也

散帙容春舊館東，今年事與去年同。
何人解使風驅暑，吾道真逢日麗空。
靈藥一丸非手製，仙槎萬里有心通。
長懷五老峯前地，曾與藏書作主翁。

除夜述懷次楊長史

慈闈春酒夜圍爐一卧江南幾歲除天上星辰回鳳歷
人間風俗競桃符夢分殿席思周燕病缺庭班愧華呼
最愛東鄰楊右史獨將詩句起潛夫

送華方伯文光

峨眉風采動閩關使命新從闕下還部檄誤投川道路
行旌邁度越江山風謠又逐旬宣駕獻納曾聞侍從班
而我亦懷薇省地兩峯回首海雲間

西庵

西庵一里路逶迤乘興行看石上詩松問栽年無應者
水尋來處有逢時竹鑪故是茶經缺藜杖真於野服宜
珍重前修游賞地青山應笑我生遲

施平樂還自京師亟來問余余病未能亟答也
先之以詩

兩看去鴈一來鴻今雨丰姿舊雨同老欲致君還讀律

遠將之郡更觀風瓣香且弔唐廷尉

武進唐復由大理
正守平樂有善政

尊酒仍賡陸放翁稍待秋清予病減煮茶題竹聽松

庵名

東

海棠 六首

道上無心問喘牛，海棠花下步還休。
崇光空照三更燭，

定惠真維兩日舟。

已巳歲予在黃州補種海棠於定惠院因留兩日

梅褪殘粧

煩曉畫柳縈新態，恨春囚尋常有眼能青。
白桃李紛紛

麓更邱

筆鋒誰似坦屠牛，吟對花仙也合休。
劒閣認宗纔有棧，蓬壺覓祖已無舟。
人憐避地庭為客，天恐傾城院與囚。

欽定四庫全書

畫史莫教輕着筆明妃千古怨青邱

春去空勞挽萬牛名花一賞便應休夢魂曾入唐人苑
色相元從蜀道舟力少須扶新起睡情多欲訴舊羈囚
東君玉汝真為殿風雨明朝綠滿邱

草徑晴嬉孺子牛花經新雨是天休李三郎畔頻移座
黃四娘邊漫繫舟畫筆可無才點染詩家愁有韻拘囚

吟餘再讀青年賦

予十九時曾作惜海棠賦

却笑楊園猗畝邱

春聲初聽盡中牛已分花開到此休但使韻能迴俗駕

未論材可作仙舟雲橫極浦愁湘佩雨暗長門泣漢囚
千古麗情誰買得榆錢空有積如邱

竹院深無礪角牛佳人舞罷此番休沉吟欲掩班姬扇
蕩漾真乘蔡女舟魂入巫山疑楚夢神遊銅雀失吳囚
千秋事往風流在莫更淒涼弔古邱

近作海棠詩苦多用事而於情態顧畧焉今以
禁體物例作一首為詩家道之

野裝蕭散欲騎牛獨為看花興未休香霧有情籠月榭

綵霞無數寄風舟祇憂絕色天將忌且喜殊方地不因
愁賦陽春應坐汝誰將太白上高邱

諸君子和章既衆予戲為海棠答之

任教呼馬復呼牛桃李無言我合休暮雨空遺湘浦珎
春風還造渭川舟瑤臺偃蹇三秋夢金屋嬋娟萬古囚
誰為諸公醒醉眼翠松蒼竹傍雲邱

為文玉乞花有詩見謝次韻答之

送花無奈乞醯何伐木今翻種樹歌別館不愁三舍遠

比鄰猶怪一牆多觀從菩蕾君須記賞到芳菲我亦過
獨愛雙松如二客蕭然長日對吟窩

盧侍御師邵書來言黃州定惠院海棠今歲甚
盛此花余十一年前補植也師邵有作感而
和之

齊安花滿海棠枝書到真勝夢見之已喜栽培猶有地
却憐吟賞不同時江邊一舸還誰問坡後千年又此詩
若論品題吾晚矣為君聊復倒清卮

與顧氏昆季飲海天亭復至繡嶺草堂

日日溪邊艤釣槎
偶將尊酒會詩家
草亭坐處聊題竹
松閣登時復煮茶
杜老幽居常閬寂
謝卿群從總清華

班荆莫問西峯日
明發雲山各一涯

時與新
將北上

別後述事

他年曾泛日邊槎
回首青山幾夢家
林窄尚容千挺竹

圃荒猶剩一株茶

聽松有茶園今廢
矣竹中尚有一本

漫勞藥餌扶吾病

豈有文章為國華
詩句未成歸棹促
故人書到海南涯

時林主事以乃

翁見素書至

雨後登華氏東岡

為看分秧有此來雨前纔得一登臺水波白點羣羣鳥
烟徑黃垂樹樹梅南渚風生歌調起北山雲盡畫圖開
獨憐丰麥今無望賦罷田家閣酒杯

代簡尤蒼梧

蒼梧逆良以予六十辭慶作詩
見貽用韻答之時蒼梧年亦六

十
矣

歲行六十復庚辰林下相看各遠塵已遂還家君有地

未成報國我何人
高歌綠酒應須醉
細字青燈尚可親
漫道梅花堪介壽
雪晴初見九峰春

王郡公命善權僧訪予山中因遣僧圓金馳

謝

郡守題書走客僧
惠山方丈路登登
東坡興遠公真是
彭澤風高我未能
皂蓋來時隨一鶴
青松陰處駐雙藤
此情久待成圖畫
獨倚西樓望不勝

作詩後圓金來報車從臨我繡嶺草堂欲追候

之已無及矣復次韻以謝不敏

竹鑪久矣待公來應識賓筵賦有萊肯信晝迴松閣夢
却聞客到草堂開一時詩已留僧刻三子情如為我陪
三子謂呂太僕
及顧氏二叅議分付山靈知歲月蘭亭今日正流杯

吳星士道光來自許州聞其談舊事感而有
作

布衣初拂洛京塵猶是當年從我身半夜話窮三十載
一時指屈數千人鳳皇鵲雀元非誤桃李甘棠久更真

試問社倉南樹木幾回秋雨幾回春

甥孫彌月忽人送方竹至遂以名之

我得甥孫髮始栽君山方竹忽南來清奇本應超凡相
敬義真含作聖胎彌月未名如有待兩枝隨東便須開
也知此物能扶老不為虛聲重楚材

夕佳樓為楊元平賦

山氣佳看日夕時主人樓上賦陶詩峯迴落照松聲迴
城閣浮烟鶴影遲萬古奇觀留晚在百年高興許秋知

明朝更擬開東牖笑對咸郎引酒卮

次曹司諫謝新闢山路

獨將盃酒酹山靈癖向山林愧老生何限險夷俱往事
但關邪正尚多情草隨路闢愁為間泉逐渠流喜不盈
諫院有詩如勸力嚶嚶鳴鳥是佳聲


思東為王世臣題

其祖夔州公號東齋其父公
宜君號東臯世臣因號思東

以志
不忘

二東風度未銷沉一字興思總德音晨館披吟真自力

晚田耕獲亦何心
伐檀興遠羞食素
運甓勞多歎惜陰
莫道夔州無厚植
門前芳桂已成林



容春堂續集卷三

欽定四庫全書

集部
容春堂續集卷四

詳校官監察御史臣曹坦

中書臣劉源溥覆勘

覆校官中書臣康儀鈞

校對官中書臣潘庭筠

謄錄監生臣姚元烺

欽定四庫全書

容春堂續集卷四

明 邵寶 撰

七言律

百五十
七首

七言律

山居秋日用杜韻八首

新秋景物愛山林，碧樹含風正鬱森。
滴水下池時發響，片雲度嶺漫成陰。
十年病後憂時鬢，千仞岡頭望闕心。
餘興最憐東月上，一峯清磬萬家砧。

忠定祠邊細路斜高臺百尺面清華
析聲似應雲中笛
帆影虛疑海上槎老興把盃還把筆
清時聞鼓不聞笳
閒從滴露泉頭立開遍梧桐幾樹花

湖北湖南度夕暉望中山影坐來微
具區澤近九龍卧
滄海雲空一鶴飛日月每將閒事遣
陰晴長與夙期違
清齋不獨葵堪折竹笋鮮新蕨本肥

勝負機忘懶看棋江湖還為野翁悲
聖朝此日真虞代
循吏何人似漢時晚塢雲深看月遠
秋風泉溢下田遲

同心客在天南北萬里滄波正爾思

不觀泉水即登山詩卷長携木石間江逆海潮窮地脉
峯叅星斗入天關風迴碧澗千川象霜落丹厓萬古顏
聞道瑤臺在霄漢野人何意問仙班

觀泉巾小恰籠頭洒洒衣裳七月秋自謂雲林堪避俗
不知江草解生愁無魚入饌真忘肉有鶴來巢即對鷗
他日釣遊今杖屨宛然水國是山州

信今傳後兩無功老去心情靜坐中夢裡巖松過急雨

吟邊草汎光風滄波野鳥秋能白籬落幽花晚亦紅
敢學少年行樂地北堂趨走未成翁

綺塍五里亦逶迤北望平疇接華陂揖客共摩新石刻
贈人還折古松枝履違東省聲全隱几失西堂夢不移
坐久却忘歸路晚蒹葭江上露初垂

懷姜食憲若虛

若虛關中人舊嘗巡按江西
因問起居于雷少府故有是

作

西江共校薦賢書回首風塵廿載餘顧我文章非晦父

知君禮樂自橫渠
洞前鳴鹿草還茁
柱底降蛟窟已墟
病客江南時感舊
三門寥落絕雙魚

馬巡按訪我山中精舍

山中忽枉乘驄客
千古清泉一啜餘
幽興未題青竹句
閒情方試白茅書
觀民節已因君重
經國懷還為我虛
曾向許昌祠靳老
汝南回首思何如

次韻答馬巡按

病難下拜惟投刺
吏散行臺靜復局
且止共驚桓典節

無冤方賴釋之刑人間故重觀風使天上元垂執法星
簪筆螭頭須老手一言深望折盈庭

用韻答王郡公

松籟清傳閣外聲郡公詩到戶初扃青溪洞遠頻紆節
碧樹堦深久措刑世上無心風動草天邊有象月從星
平生一管春秋筆老吏曾聞在漢庭

超然堂用韻答陳子引

茶山居士惠山行六月虛堂晝不扃何處清風能此客

向來大暑似繁刑
吟筇緩待東山月
征旆遶朝北斗星
秋草滿前無刈者
應將茂叔認吾庭

山中漫述用韻

千帆竟日南還北
堂在危厓坐不扃
玉枕為誰增地價
松醪從此失天刑
蒸蒸漫指雲為雨
落落虛傳石是星
使者采詩還自賦
清風應許到彤庭

山中遇靜觀

一秋風日今日好
我向山中看白雲
觀水亭前初送客

時鄒存正見訪

聽松樓下又逢君放翁健筆何難試

此言無詩

公瑾

醇醪本自醺

此言無酒

獨上層臺待明月綺塍歸去夜應分

董侍御訪我超然堂

觀風使者入松關為向間人問太閒潦盡正憐秋後水

雲深偏愛雨中山陳郎

原習

節指西川去馬子

信陽

帆朝北

斗還更欲與君尋古刻南巖石上洗苔斑

哭節庵歸有作

髯翁哭罷正愁眠問我銘旌倍黯然

時其弟世資書來問銘旌

萬事

百年君子論一行數字路人傳
登廷奉對皆才選行省
參知有政權指日生辰期不到
古稀真信杜陵篇

生日避客山中客有過者作詩謝之時新作精
舍之街賦以興焉

節近登高新路開山中冠蓋有朋來
酒因母病未敢受
詩到秋清正合栽微月初懸看作鏡
新泉曲引待流盃
送君東上蓉湖棹青眼還留點易臺

超然堂

新種梧桐待鳳凰
廿年猶記夢中祥
日長合有人高卧
山淺還應地善藏
平野星辰多少觀
少微雲霧更江鄉
一聲清磬中峯起
誤道朝廬近未央

送秦思魯

秋酌薇堂別思遐
喜占春信對燈花
向來武爵辭君錫
此去文章為國華
寒嶺喬松方挺節
晚園碩果亦迴芽
遙知京邸承歡地
剛說辭家又到家

輓錢信之

哭罷希翁幸見君相思長隔蕩西雲高名未向廷中薦
佳句時從社外聞數約不來仍舊榻一詞難誅有新墳
秋堂愁共咸郎語軍帳峯高日易曛

送周治中

驥足風塵一展開士元何啻治中才勞如晉鄙陽城在
清自關西伯起來書考適逢龍虎榜送行還上鳳凰臺
幽明黜陟非吾事惟有新詩與子裁

九月望日登顧氏山園

登高長恐主人留
今雨乘閒到上頭
雙眼乾坤容萬里
五湖風日屬三秋
舊壇荒落隨陵谷
新徑逶迤入畝邱
薄暮題詩下山去
塔烟西接劍光浮

送莫如山應王郡公纂修之聘兼柬陳廷猷
歲晚携書謁郡侯
侯方燕坐對春秋
兩生有道時非漢
二國無徵禮自周
歌采康衢今日頌
傳留廉吏後人修
多情若問西山路
古樹陰中澗水流

王郡公朝正告別

三年兩度謁承明
廉節應多動聖情
家夢未能忘綠野
官箴真不負蒼生
有鳳偶集黃非偽
無鶴相隨趙亦清
不用千秋尋漢典
觀風人已識公卿

寄山東巡撫陳中丞

兩年三劄汴臺時
回首東藩幾夢思
疏為斯文還白鹿
近聞中丞有疏欲興書
從何日更青藜泰山我負登高
白鹿洞學及某舊事
願滄海君成望遠期
相寄不煩緘魯縞
漢封壇上有秦碑

石瀾為天台僧明統作

水向石邊方急流
禪心如月照源頭
百川傾注三千界
一滴生成七萬秋
魚躍魚潛忘密藻
花開花落對閒鷗
吾泉堪濯還堪飲
獨聽滄浪起遠洲

施平樂暨盛氏兩都運過訪超然堂

我作新門待客開
山中秋晚數翁來
坐臨巖壑笛三弄
遊返江湖酒一杯

靜觀還自楚筠谷還
自蜀東巖還自閩

論世已非空裏

閣懷人最是月中臺
說蛇說虎真驚耳

諸公言官之
失得甚悉

起

聽寒泉步石臺

贈徐岳峯少叅用邃翁韻二首

數月旬宣疏幾通
南來憂思對山翁
祇緣萱幄迎非便
不謂薇垣養未隆
老鶴正須驚獨夜
冥鴻未許邈長空
北巡曾到蘇門否
拜罷姚公拜邵公

伊昔相知自浙中
百年心事一經同
斯人海嶽真鍾秀
何處江湖不效忠
嚴瀨水聲風激烈
錢塘山色雨空濛
北堂萊舞從容地
識破人間道與功

山中漫成

李紳臺南還築臺陸羽泉西泉復開泉邊偃息看水逝
臺上淹留待月來一盃對客秋將盡千古懷仙海欲迴
漫恐歲寒霜雪至超然堂下有紅梅

送錢太常使畢還朝次韻

也知畫錦非君志至樂無如使過家祝捧御名天只尺
祀成殷禮國光華紫薇省下迎周節黃鶴樓前返漢槎
十月東風如有意漕湖宅近大江涯

懷羅台州兼柬余郡推

十年雅意屬台州珍重羅侯代顧侯
勘易客來緣我送采詩人去為誰收
東郊靈雨春中駕北極明星海上樓
政暇從容對參佐郡推元有古風流

寄顧大參華玉

近逢左轄問參知尚憶山中訪我時
豈是西湖無好景祇緣東省有佳期
一方暫試經邦手千古還紆尚友思
聞說柴墟遺稿在故人已為付棠梨

故人即
謂東橋

寄余郡推鴻賓

東橋去後復文川山長能邀又二年過嶺不携清獻鶴
在庭應出惠通泉半江月坐巾峯上萬古碑看闕里前
二月春風來舊客還將美政向予傳

寄夏德樹

赤城山房不可到但見客帶煙霞來孺子歌殘三擊節
羲皇夢醒一銜盃少微夜隱江邊霧蓬島春連海上臺
二月西軒重下榻可無新句為予裁

寄葉侍御一之

手植松楸漸有陰三年讀禮草廬深
淚緣感物沾歐表歌待成聲和舜琴
海上魚龍秋共蟄山中鳥鳥夜初喑
起居近得黃巖令巾幘峯高玉爾音

少傅王公書來謂貞節碑製有泰山之遺不勝

愧歎

吾碑敢學泰山碑不謂溪翁謂似之天地深恩明主詔
春秋巨筆傳臣詞石鐘追動蒲牢角風榭馨香柏樹枝

山鬼自今須歛避文星
五夜照南離

聞錢工部訃

老人星照昆承水
一夜頑雲忽掩光
片紙仙方空入夢
百年詩塚竟流芳
遠遊司馬曾高覽
大隱東方亦善藏
待取東湖碑出後
還將經濟問賢郎

人日

人日占人古有之
淡雲疎雨日光遲
梅呈紅蕊寒猶如
菜剪青絲凍欲萎
野老獨斟泉釀酒
繡衣還寄草堂詩

冉涇橋畔元宵市步月看燈有所期

穀日陰寒微雨寄友用前韻

春來何處去何之江郭寒多意故遲
梅亦有情爭欲吐
草應無力暫如萎
迎盤送菜吳人俗
拔劍彈琴杜老詩
最是三橋燈市近與君先訂上元期

小井田成

在容春
精舍東

三代遺風一慨然聊將幽事遣閒邊
細分顏巷曾收井
小灌張渠未買田
荒入草茅憎隙地
馨生黍稷願豐年

如聞新製道人鐸擊壤歌中見古天

時巡撫靜齋先生初行鄉約故及之

春日山中漫成

避風避雨夢中過晴麗其如此日何坐石觀泉隨我意
煮茶燒笋聽僧歌晚添積翠雲邊淺春逐殘紅草上多
忽報西軒居士到向來離恨一銷磨

戴進士巾山行

四十年前戴此巾幾回清夢隔風塵誰知道路閒邊目
還看山林病後身蓬島客參諸老社曲江圖入九峯春

相逢莫道無同志見說伊川已有人

畢中丞亨致仕還洛常戴進士巾出

遊語人曰事還朝廷進士吾故物也其子方伯孝為予言之

坐燕居亭懷莫如山

觀物年來眼近真燕居亭上有閒人雷聲連送兩朝雨
花事頓消三月春木芍藥闌青草長石菖蒲沿綠波新
南沙有客應同興何日相過洗渴塵

新晴出郊之惠山

步出西郊見暮春樹頭紅盡綠初勻上方下界無遊女

北塢南岡有逸人山色倍增今雨碧泉聲轉入近池真
竹根處驚雷動忠定祠前數籜鱗

山行紀事

策杖來看雨後泉老僧相迓寺門前殘紅夢裏空三月
新綠陰中又一天風轉北溪隨爽氣日衝西嶺破浮烟
公孫携酒先期在更有諸君在別船

送曹永平于德

十載昌言動廟堂永平假守似淮陽西垂閱實初旋節

東甸巡行又出疆田里情於臺省近江湖心與闕廷長
漢家千石還登相消得人稱一字良

送喻武昌宜之

虎符龍節照洪波中老

謂秦廷韶

曾經此地過兩誌共知文

獻在百年將謂武昌何眼明每引黃樓望聽遠如聞赤
壁歌况有玉泉家學在黑頭功業未蹉跎

送顧泉州與新

一時三守邑多賢佳報先從海上傳直諫曾驚他日震

清修應比此山泉
鳳凰儀羽非無地
黍稷馨香是有年
五馬雙旌元貴重
朝廷異數况高懸

寄題石龍書院

石龍書院經歷黃巖黃宗賢讀書處也君以議禮連工部員外

郎辭疾來歸致書

請題于是乎賦

石龍巖下有人龍
萬卷圖書一畝宮
久信橫渠崇世祿
始知若水稱仙風
地當南斗瞻依處
道在東山臥起中
忽憶台州三憶句
欲招方石慰涯翁

涯翁有台州三憶詩三人者謂宗賢

之祖定軒公及兩謝公也

華從龍在祇陀饋鶴頂梅次韻

十箇梅題鶴頂丹僧家澹泊助清酸病湏入藥非無用
老負調羹正未安他石倚雲風骨瘦我泉落澗露華寒
報君欲搨唐人篆雨蝕莓苔跡已漫

苦熱二首

旱憂民物熱憂身獨臥虛堂老病人態似兒童欣水石
情如野客懶衣巾雲中樹色披圖幻山下泉聲入夢頻
短壑青松空在口肩輿曾不到東津



若歲大旱今真逢狂魃驕舞生炎風雲霓數日無片影
羅火太陽同一宮虛堂坐我獨心靜洄野憫農皆力窮
群龍懶臥呼不起手弄楊枝空百童

孟巡江夜遊泉上紀興和韻

弭節山中為飲泉登臨亦復弔前賢天風吹酒起高興
水月入詩成警聯潤下故應窮遠海靜清還獨浚微涓
病夫未得相從去一見新篇一缺然

寄吳東湖司空

老謝尚書返舊堂百年吾道益增光
洞庭南去還裴野
震澤東來有召棠
調劑口曾嘗藥苦
經綸手復理芸香
深秋一得沙羨報
回首蒼梧夢轉長

寄孫九峯司徒

九峰山裏寄書來
珍重司徒手自裁
出處四朝今舊德
沈酣三禮古遺材
愛公欲徙吟詩社
老我時登點易臺
喜接賢郎難答拜
愁看江上鴈飛回

題畫壽孫九峯司徒

別公十有五年來渴思紛紛不易裁南極一星猶正色
蒼松萬丈本奇材誰云雪酒非春酒我愛雲臺是釣臺
江上飛鴻多未達隔年須待漢槎迴

得雨

旱氣蒸人酷如火今霄雨來何沛然坐令四境盡沾足
行見百穀皆新鮮閭閻自喜得口食官府不憂徵稅錢
吾徒無能却有幸齋閣日高猶自眠

次朱士光見寄

百年文字偶相知情到南畿按節時
淮郡竟煩長孺臥
長沙益起賈生悲蛾眉衆詠非今日
豸角群邪有夙期
千里鶴坡何處所秀江回首不勝思

謝馮僉憲移竹用李文正公韻

茅竹曾聞避市塵十年兩地不輕分
平生直節真吾道
何處清風不此君自保霜筠青似玉
須留雨葉翠如雲
數挑山土勤輿力西向梁溪望夕曛

贈傅神吳芳遠

誰家阿堵點能真四十餘年不數人臨穎筆端饒氣槩

謂賈志

泰和象外妙精神

謂郭誦

閒留我在心千古老遇君

來貌一新骨相山林今已定不勞物色向風塵

得余鴻賓簡

曾聞退易不聞難六十年來繫一官風木聲中悲歲短
雲鴻儀處愛天寬援琴欲鼓還清淚運甕無勞亦素飡
君未棄臣臣自病衰情須向疏詞看

喜王內翰以詩為問用韻奉謝

迂僻平生敢自豪
媿將虛譽動時髦
籬邊秋色南山近
巖畔晨香北斗高
日月照應無間隙
乾坤報未有絲毫
感君相問無能答
病足支筇重抑搔

奉懷素翁先生

舊隱歸來長薜蘿
江湖風雨兩秋過
山中歲月空閒在
天下經綸奈老何
酒熟漫邀鄰叟飲
詩成還對社翁歌
二泉病客懷思渴
安得南飛酌海波

月夜送客

酣飲其如客去何冉涇橋畔漫經過惟君畫妙心偏苦
而我居閒鬢亦皤巷柝有聲人語靜塔燈無影月明多
中秋更起登臺興古華峯前一浩歌

聞管大夫欲招予鄉飲因檢壬申年辭謝高侯
見招之作用韻奉呈

蒼蒼余髮視茫茫七十年將病莫當杖屨不支新步履
衣冠空憶舊班行三章未已終辭闕一拜猶難敢上堂
欲謝招徠賢令尹庸歌還媿昔時狂

張山掃墓歸途有作

山南山北掃寒烟舊塚新碑二百年紅葉似花霜醉後
青山如黛雨粧前數峯影閣竿頭日十里光沉鏡裏天
最喜無風溪路穩沙鷗來往候歸船

喜介夫劉大叅至

十五年前別故人西南川陸每馳神初心道德君無負
晚節山林我亦真杏樹壇邊懷舊雨梅花國裏認先春
安成謂張汝立去後長懸榻詩話于今又一新

日夕坐泉亭用韻

坐深秋日澹娛人始信西神山名本有神詩邁尋常知子

久酒開涓滴寫吾真雷聲漸鼓千峯雨苗色將回七月
春瘞卷邱邊話疇昔江花江草幾迴新

費子美過錫病不能來遣其子來訪且索詩遂

賦以贈

病餘聞薦喜君來

子美丙子鄉解

秋卷南歸又幾迴齊瑟未須

論往事燕臺終不負良材朝廷禮遇應前席家世文章

自上台江郭蕭條驚歲晚鳳凰池上有春雷

謝朱巡按下問

夢憶泉聲賦兩知賡歌先得一緘詩
雪山輕重公來去
河水清漣我病衰
滿地江湖容白髮
可人風月負青藜
平生知己觀風使
願共山中折桂枝

點易臺觀泉

點易臺南滴露泉
石邊一穴水精圓
方諸未挹天邊月
沆瀣虛傳海上天
白鶴遠來雲表外
碧牕深隔洞門前

晚年對此心常活何處清涼更問仙

懷管司訓

履違公府十年多門刺因君兩度過老母壽能成曠典
郎君政不負高科晚風海上吹寒菊秋雨江南熟早禾
更愛儒官成績遠手栽桃李聽弦歌

送朱都事相之雲南

萬里滇南帥閫開幕僚今喜得英才冑中邱壑供揮染
眼底煙霞任剪裁閉戶讀書踰十載出門獻賦動三台

清時戎政多叅畫行見封章起憲臺

閱馬跡山記寄西青山人

西青山人作山記搜剔幽隱山靈愁跡緣神馬自秦漢
祠追后稷經虞周尋常一水五湖老七十二峯千古秋
分明圖畫在中泚美人何處心悠悠

輓素庵李君

愚翁風采動華陽素老相承倍有光燈火夢迴吳會遠
詩書脉引蜀川長百年棠棣聯槐棘萬里江湖即廟堂

最恨楚詞招不返
澧蘭香盡夜茫茫

送陳原習巡蜀

廿年風采動臺端
按節南荒六月寒
漢法共推經術吏
周廷元重惠文冠
路當險遠行何易
時向承平諫獨難
攬轡觀風秋萬里
峨眉山月馬前看

次鄭司馬留別中朝諸老韻

公去還於國有裨
清風滿路出郊遲
乾坤直道春秋在
臣子孤忠廟社知
一夕笑談真不偶
百年行止復何疑

二泉亭上山如畫更與詩翁作後期

奉寄白巖先生

東門祖道向西歸又見秋風動葛衣
三晉雲山今日重
二疏風致古人稀
臣忠共識君為聖
今是還知昨未非
我病十年難下拜
太行回首思依依

虛庵陳郡公建道南書院

書堂新建古城陰
巨榜高題屬意深
吾道北南還一脉
斯人今古本同心
妙從活水生時得
樂向光風起處尋

教思無窮歸有道朱弦休嘆少知音

有懷彭司馬

司馬西歸塞霧深近來纔得便風音數千里外停雲思
三十年餘伐木心寤寐不忘天咫尺經綸未了歲侵尋
憑君為弔南陽墓正氣曾聞托醉吟

南陽為段可久
司馬之舅也

送潘之達之遂安

三載平陽野有歌重來仍泝浙江波大才小試還如此
舊政新民欲柰何山雨從星秋早久海潮應月晚寒多

漢廷方重循良吏五十功名鬢未皤

燕俞大叅國昌二宜園

多時相約看芙蓉此日嘉園此客同
幽徑小堂山左右茂林平圃水西東
十年夢落江湖外兩世交通里閭中
新製泉中便野服迂疎應不笑衰翁

雨坐

閒居不敢問豐凶對客惟應賦大東
慘淡野情秋望裏淒涼歲事雨聲中
也知北斗隨天轉安得南箕應月從

極目江湖雲萬里杖藜三嘆一衰翁

兩知亭

我歌泉和兩知音此是涯翁贈別心吾道在山還在水
斯人如玉復如金高邱遠海天無際舊樹新亭日有陰
一曲雅歌千古意欲調宮羽入瑤琴

次韻送王子春兼簡赤城夏先生

碧葉黃花送晚秋舊遊回首是今遊雲兼山水看隨路
月帶風煙載滿舟滄海東來潮信蚤浙江南去陸程脩

赤城居士如相問尊酒論文恨莫由

送羅員外

病足稀登惠麓堂公來草木被餘光
方傳惠澤流州郡獨愛昌言動廟廊
秀句已鐫泉畔石清風長滿召南棠
司徒分領留都計多少經綸望省郎

次韻壽劉鴻臚

大鴻臚劉公毅齋以考績便道過三吳訪白樓吳公及予白樓

有贈詩且致壽意予聞而和之亦白樓之志也

望隆卿寺自郎曹畫錦鄉邦駐羽旄
六十再看堯陞英

尋常爭賦漢宮桃江湖大觀還龍窟雨露新恩且鳳毛
東閣先生題贈處中吳回首德星高

擬作賦鹿草堂於惠山精舍以無忘廬山之遊

述意二首

百年白鹿得奇觀雙澗風聲六月寒七里每勞千里夢

予家去惠山僅七里廬山在千里之外

九峯長作五峯看

惠山九龍廬山五老皆峯名

兩知堂近流風在獨對亭高縮地難

兩知亭在惠山獨對亭在廬山

敢

擬我眉論小大山連震澤水漫漫

曾向廬山賦鹿鳴
呦呦千古有餘情
釣遊地近憐新築
弦誦風微愧老生
點易不知吾髮短
聽歌還愛此泉清
偷閒尚記東曹夢
花柳前川策杖行
予為戶部屬時嘗夢有人作試官狀
誦雲淡風輕一詩為題
俾予破之予應口對曰
道體寓於物而天機自
動道心託於物而天趣
難名時方求嗣有祝中
朝諸老皆謂佳夢今老
而無應付之一慨而已

秋夜宿超然堂

閒愛孤雲靜愛僧
山中秋夜興逾增
竹通深徑清風足
松倚高壇霽月曾
露氣侵堦驚蟋蟀
雨聲入戶避蚊蠅

城中望我如天上青壁丹厓知幾層

中秋夜

素娥無力破雲陰
雲外清虛府正深
今月古人空有問
青天碧海亦何心
靈槎渺渺應迷道
仙杵沉沉已斷音
九月中弦秋未盡
一尊還許盍朋簪

十六夜次前韻

六旬炎燠兩旬陰
月到中秋雨意深
天上不違逢滿數
人間却負望明心
扁舟牛渚空勞夢
一曲霓裳漫賞音

佳節莫教容易度白頭今已不勝簪

十八夜山堂見月又用韻

坐看夕殿散涼陰山靄沉沉紫漸深病後逢秋猶有興
雨餘見月已無心風廻近浦留帆影籟靜中峰起磬音
醉舞不知吾老矣桂花還學少時簪

晚坐超然堂

九月花開菊正黃今年時物應秋光無詩可擬登高賦
有酒還登望遠堂徑轉東南須策杖巖朝西北合焚香

晚林霽色紅猶淺更待西風一夜霜

九月八日足許州舊句

吾衰久矣杖難支隨意青山且賦詩高處登臨天亦忌
清時笑傲地應疑已上二句許州作也許州舊句還須續廬岳重
遊不可期願保丹顏似黃菊年年同對野人卮

諸友觀菊用韻

一賞真償數月忙晚香籬落愛秋陽花中亦有清時隱
林下能無野老狂淺淡色如酬世務衰遲心已謝年芳

歲寒更擬題詩處和靖先生別擅場

輓李封君

巡撫李司空乃翁也

嘉定功餘泮水波華陽規誨復誰多承休合有台衡者
節惠其如窀穸何江樹影連巴國字澧蘭香入楚人歌
司空勲業旂常在應與先生永不磨

華生雲惠我端石侑以詩用韻答之

望望端州路幾千客來剛得遇陳玄介心不減居山者
潤色如初出水然三島東溟春渺邈一星南極夜澄鮮

吾齋從此還增重合真西涯篆牋前

吾有端石為牋形
涯翁銘且篆之

發書於鳳山有虛名為累一言因用杜詩起

句

才微歲晚尚虛名一夜驚心白髮生
貧有圖書應入夢老於廬屋未忘情
寒涼正值風來朔霽爽還逢月出庚
便作西軒依舊室餘灰掃盡地初平

如山卜隱初成

湖海蕭條歲月遲江東誰復問潘葵

江西
隱者

易臺共我雙

巾葛吟社添君一杖藜翼健已超塵外網眼明還看世
間暮昨冬先獻希齡酒今日迎長又賦詩

幸庵司馬寄節孝堂三大字至

予居被火之六日幸庵司馬自

關西託鳳山司徒寄節孝堂三大字至似欲
易我侍養堂名者此豈偶然之故哉愴然有

感情見
乎詞

三字堂名萬里來舊堂名扁已成灰故人遠意真如讖
乙夜融風不是災活水源頭仍里第德星懸處自書臺
可憐嘉樹多憔悴春雨來時又着栽

錢元抑專使來唁用前韻

唁書遠自四方來，獨步空階撥冷灰。
常慕黃虞皆有政，敢言陳許不聞災。
病餘且曳尋詩杖，忙裏還登點易臺。
殘菊經霜須愛護，免從鄰圃乞春栽。

贈趙羽人

兩地名山一羽衣

兩山謂武當與茅山也

十年蹤跡鶴同飛，九中

日月旋游度壇上，風雷洩化機。
仰視三垣何朗歷，傍觀五嶽亦依稀。
老夫久有遊仙興，何處春風共采薇。

管大夫製雲鶴之服卹災也奉謝二首

中冬特製鶴袍新來問城南失火人降服正脩前古禮
解衣還荷大夫仁行藏自愧名銜重辭受能忘道義真
獨掩寒齋感知已縣衙回首不勝春

錦袍新製自仁侯病客逢災正獨愁老鈍尚留雙石硯
清寒猶問一狐裘傷心事已如雲散象德人還為鶴羞
笑殺陳三空忍凍負暄真欲獻宸旒

顧與成送犀帶紵履受履還帶

篋笥逢災一蕩然故人帶履荷相憐欲行我已違初志
在得人還看老年臺省無聲猶實地山林有夢豈通天
小詩甚媿瓊瑤報又向東鄰乞簡箋

宜興張天子弔災志感

西溪八月夜乘槎回首江湖幾歲華人事每逢天未定
世途真嘆海無涯十年別恨還雙鬢兩世交情似一家
此日風光君記取微陽初復有梅花

送楊東川郎中華

風雨空山瘞玉時老親臨穴不勝悲死生大矣君臣重
邱壠蕭然歲月遲君事已成從我志我銘未盡誅君辭
石門冰雪肩輿險忍淚題詩慰兩兒

西軒子歲暮東還

鐵岸帆開憶去年今年仍發冉涇船閒來為客真知我
老去逢災不怨天嘉樹半枯猶翠葉清渠無恙自寒泉
有詩已寄儒臺使還許携兒了舊編

天台齊節婦

百年心苦保孤難
夜績空房月影寒
針黹舊嘗將女史
提携今乃見儒冠
名家宅里何時表
節婦儀刑後代看
我昔觀風曾兩浙
台山回首路漫漫

國英秋日過我精舍

淮海秋來逸興多
因尋奇勝訪行窩
酒憑野客浮杯勸
詩聽鄰僧按節歌
山日半銜雲接樹
水風初起澗生波
晚經第一流泉處
俯仰乾坤欲柰何

如山生日避客山中予遇之知其意不敢重違

例也惟將以詩

南沙避客山中日我適西來見泊船一袖逶迤傳妙句
雙松寒翠倚高天儒冠道重初携杖壽酒情深但酌泉
只恐清歡猶未已吟壇章什不勝編

憶王山長時將渡錢塘

此日君應渡浙江海天寒月照船牕久游不作他鄉望
老節寧為歎歲降越岸烟消分芥渚錢塘潦盡露濤瀧
阿符未了城南課好趁春潮放曉艤

答冷別駕

三代遺風一慨然，橫渠私計更須憐。
聊將松菊栽餘地，漫遣山林病起年。
今日封疆皆禹服，何時雨露不堯天。
使君多少甘棠意，都在詩筒未盡箋。

辭巡按發帑之令發書有作呈邑中長貳諸君
子

珍重霜臺念我私，鬱攸悔禍歲寒時。
古人高誼如將見，野老愁心諒亦知。
宋史不遺師道傳，唐風猶載伐檀詩。

尺書遠託南郵吏再拜情深在一辭

立春日郊人送小土牛至有作

令尹分春到野人野人庭院本容春
解開殘凍渠仍活掃盡寒灰屋乍新
白日東風初起艮青天北斗又回寅
鼓騰陽氣行時令四境歡聲總是真

次陳御史秉衡

六載巢居是此州詩中牖戶愧綢繆
也知廊廟多公論敢為江湖有遠憂
千里忽逢桓典馬一朝如上李膺舟

吹噓幸賴東風力寸木應教重萬牛

超然堂會飲聊述短句

一笑超然上我堂向來芥蒂已全忘
党園四皓非吾座洛社群英亦此觴
江上共驚雲散早山中還愛水流長
歲寒更有風霜在分付梅花作主張

送過鉦用夏方伯韻

七月潮江接淼茫送君孤棹過閩陽
倚天奇石高堪仰載道清風暑不傷
藩省右樞還左轄弟兄秋酌似春觴

月明夜夜看南斗下有文星對遠望

迎春後令君復遣伶人來侑小酌口占

迎春小隊到門庭冉里橋邊草欲青舊俗新風皆在志
北詞南曲總成聲大觀老去多餘景微醉年來有別亭
更愛令君能俊雅歌謠行聽滿山城

立春日山中與國臣弟飲泉上

夜來風力苦難支曉愛晴光起海涯春在土膏初動處
寒留雪凍未消時梅花偏是山中早松骨還於嶺上奇

醉後一觴泉石畔漫因老弟再題詩

人日

七日逢人十日春無端生意政津津
庭中碧地初回草市上青煙半逐塵
風雨草堂他客夢雲山藜杖此時真
便須乘興郊行去望裏龍峯畫裏新

春日登莫氏溪山清興樓

笑驚四紀再登樓畫裏青山亦白頭
况我在朝還在野似渠宜夏復宜秋
漏春梅柳原應蚤負郭林塘本自幽

願與主人同壽域一年一話海添籌

復司馬彭公書後有作

公自蘭州託趙百戶來問訊無書有口語錄於

一帖意甚悵切

萬里人來不寄書簡傳口語獨相於舊堂新構風煙後
遠嶺孤松雨雪時兩字平安身僅免百年衰病志終虛
登山屐在難為着點易臺前一筍輿

謁玉泉先生墓

四十年來弔古心偶因勝日遂幽尋天留邱壠嗟誰掃

地近厥倉幸不侵百世簪纓遺謀遠五賢俎亘古祠深
玉泉兩字還須碣一束生芻有嗣音

燈夕前二日觀燈屏於秦國英紫薇廳

人物殊流繪事同羊皮如紙麗青紅桃源洞口仙應幻
天寶宮中女是戎宋代夢連唐代夢陶家風雜党家風
小山磊磊薇廳夜如見春星樹影中

十四夜觀馮僉憲大父戒軒公手製燈屏

尊壺左右鼎當中上有燈屏出祖翁政愛千缸光映月

更聞雙管韻乘風一時文字飲方洽四世姻親講未窮
忽報山人折梅至風雩還憶二泉東

杭太僕東卿自滁陽以詩來慰次韻答之

十年京國斯文誼千里滁陽一紙書老去節應惟義重

世間物總是身餘還將舊篆題新樹

丈正公嘗題嘉樹亭三字今樹易扁

不易也

已作新堂換舊居

彭司馬大書至堂成遂扁之

更有高篇吟且

諷向來愁思盡消除

送黃司訓致政還廣西

七年類水賦菁莪回首蒼梧柰遠何貞節平生親力苦
武階初命弟情多寄書西去愁仍積迎養東來樂已過
行不可留空悵望九疑雲盡洞庭波

贈郴陽何都憲子元巡撫雲南

子元以太僕卿
簡命巡撫雲南

中朝卿大夫述其昔奉使事共為四題
送之子元道錫亦以請寶遂賦以贈

昆明池水絕驚波帝遣巡行意更多漢尉幾人能節制
堯封何地不包羅塞逾南嶽無鴻到路比西川有鶴過
從此公堂須再築向來曾擬召棠歌

疆圉蕭條軫帝心
職方使者奉綸音
西關不杖張騫節
北野真賁郭隗金
秋水驂騑千里近
春風苜蓿四郊深
燕雲一望連秦樹
賸許山川入壯吟

右述職
方事

朝有程書野有歌
行過潁水復黃河
天於斗極瞻時近
風自棠陰憇處多
七郡圖經隨我在
百年田里謂民何
尋常莫擬題名處
萬仞高高石可磨

右述河南
叅政事

馬卿持節向西東
騾牝長鳴起朔風
冀北羣應逢伯樂
魯垞才不頌僖公
六師氣溢騰驤外
萬國靈揚駕馭中

老驥絕塵吾望在肯容毛仲並論功

右述太僕少卿事

追悼留鶴潘先生

王子春來自天台留鶴公之子充卿附詩致予予念留鶴

之卒久矣悵然感之子春歸遂遣充卿俾即公墓焚焉

台海冥冥鶴不留漫從詩卷見箕裘
百年星聚金陵會六郡風生岱岳遊
濠水游魚心獨契蘇門遺草手曾收
荒邱歲月休重問年少王郎已白頭

秋齋為周侍御宣題

炎蒸歷盡見清涼掃地焚香愛此堂
苔徑斑斑經雨碧

梧庭落落受霜黃西南來處占風信三五盈時看月光
更有北扉堪一眺晚峯如玉正蒼蒼

盜竊陳氏忠孝錄稿弔其諸孫嘉猷

孤忠千載賸徽音家乘而今竟陸沉片紙不遺肱篋手
數行空負蓋棺心斯人自信懷無壁何地猶疑購有金
四十年來方再讀為君惆悵古城陰

予十六七時嘗讀是稿於陳遜庵所

文山為程達賦

兩厓中有一峯懸孤鳳銜書下九天萬古文章真顯設

百年風氣正迴旋晉唐第宅瞻依外吳越江山指點前
傾蓋惠泉談未了晉陵回首思悠然

與徐秋官用中登松風閣先一年約登未果至
是乃遂

七里青山兩載心秋官為我一登臨病餘幽思泉兼石
別後佳音玉更金夜雨不嫌苔徑濕春寒偏愛竹房深
松風閣上君曾坐試問何如聽穎琴

山中遇莫如山

新春起我山中遊何處南沙亦小舟偶出總緣風日好
相逢且值竹松幽故人詩在僧能誦謂中齋別院茶來
客又留莫道匆匆難盡興稍須烟景再登樓

正月二日避客山中遇雪

綺塍得雪淨無塵指點蒼湖別有津北墅願為西道久
謂時亨作青山爭愛白頭新出城避客事非急入寺逢

僧意却真梅花折來放且未東風吹手正頻頻

元夕過吳永年茗坐其孫某侍而彈琴

元宵處處笙歌酒此處茶杯且聽琴白髮主人應有興
青天明月亦何心糗資似鬪春盤巧燈燭渾忘夜漏深
只尺桂巖成契濶誤將南市認山陰

慈溪陳隱君七十

其子文譽館
閩江吳氏

祭酒聲名海內傳百年門第故多賢要知鄉里歌椿日
正值郎君折桂年月窟秋連滄海道洞庭春載越江船
古稀正是期頤地不用重吟杜老篇

聞孔道士訃

梅鶴亭前始識君，吹笙幾度坐斜曛。
身棲野廟兩經火，夢入仙壇一駕雲。
石室秋風閒劒履，板橋春草近祠墳。
尊中有酒休重寫，酹向荒邱恐不聞。

聞母舅南湖公訃

故林蕭瑟正堪悲，一老而今又不遺。
戚里墳高空石馬，仙家路僻漫雲芝。
音傳渭北鴻何遠，魂返遼東鶴正遲。
五十年前吾穉子，曾將論語照青藜。

秋海棠

名姝魂返蜀天涯猶有餘姿在此花開處每依庭下石
移來非自海中槎清含曉露如承雨淡對秋風更着霞
檢盡圖經無族譜獨將色相借春誇

秋日過水北山莊

草亭長為故人開今雨無端長綠苔新刻碑從人打去
舊披圖許我題來僧家磬落西峯日賈客帆回北道埃
明日期君盡清興二泉亭上有茶杯

水北山莊觀菊

天留佳色與黃華每到秋風一拜嘉粟里地能容醉老
南陽潭竟屬仙家題應有興心偏苦挿豈無情鬢已華
記取餘香如送客蕭蕭風徑繞籬斜

知微齋席

步自城西又向西風吹草徑已無泥羣分鷗鷺田田水
叢露菰蒲處處堤何物老僧猶走乞幾家饑孺不號啼
山齋寂寞南沙夜壺酒應須我一提

寄題孫司徒壽硯堂

遠向端溪水上分中書禿盡始知君尋常四友休同論
千二百年何足云池入海濤還浸月島回春吹欲生雲
世家爭羨文華國更許何人策上勲

九我堂

舊家門巷草堂深九我名題萬古心豈是尚書猶缺望
祇應小雅有遺音乾坤自許心丹在夙夜焉知鬢雪侵
最恨庭闈宛如故一迴登降一沾襟

與如山諸友避暑山中

閒行五六七人同竹林日影松壇風客言此會舞雩下
僧歌我詞盤谷中茗盃及泉元有味竹鑪當暑却無功
馮誰傳語知微子秋夜山房好作東

登錫山退飲惠山方丈示同游諸君子

獨覺登山病後難山中氣象筆曾干鏡光初動春湖綠
塔影猶含夜雨寒流水暗生禪榻聽飛花輕上舞衣看
興餘更問西庵路三里青松一徑寬

觀水北山人新作我行窩

三里青山接水雲
菊花時節每尋君
也知僻地真須假
敢謂虛名可與聞
閒處漁樵如宿約
老來農圃亦徒云
惟應再結吟詩社
共對西神山名賦夕曛

雪中答友人

臘殘猶未探梅花
坐愛風庭雪片斜
粉米有形真入繡
玉田無種亦生芽
粧成山岳添奇觀
塗破藩籬見大家
興比剡溪還不淺
西郊吾欲駕吾車

南麓為宜興徐仲和賦

銅官盤據荆溪上百里相看未了青山麓平時堪別墅
水涯迴處更幽亭奇觀愛入仙翁洞隱跡愁干處士星
我識主人因靜老

謂施節推

題詩遥賀草堂靈



容春堂續集卷四